



SALA STAMPA DELLA SANTA SEDE **BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHLS
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0209

Venerdì 30.04.2004

LETTERA DEL SANTO PADRE ALL'INVIATO SPECIALE AL 4° CENTENARIO DELL'ARRIVO IN LITUANIA DEL BREVE QUAE AD SANCTORUM DI PAPA CLEMENTE VIII (VILNIUS, 9 MAGGIO 2004)

LETTERA DEL SANTO PADRE ALL'INVIATO SPECIALE AL 4° CENTENARIO DELL'ARRIVO IN LITUANIA DEL BREVE *QUAE AD SANCTORUM* DI PAPA CLEMENTE VIII (VILNIUS, 9 MAGGIO 2004)

In data 13 marzo 2004, il Santo Padre Giovanni Paolo II ha nominato l'Em.mo Card. Achille Silvestrini, Prefetto emerito della Congregazione per le Chiese Orientali, Suo Inviato Speciale alla ricorrenza del 4° centenario dell'arrivo in Lituania del Breve *Quae ad sanctorum* di Papa Clemente VIII, che autorizzava la celebrazione della Festa di San Casimiro in Polonia ed in Lituania.

La Missione che accompagna l'Em.mo Card. Achille Silvestrini è composta da:

- Rev.do Mons. Gintaras Grušas, Segretario Generale della Conferenza Episcopale lituana;
- Rev.do Mons. Charles Daniel Balvo, Consigliere di Nunziatura;
- Rev.do Sacerdote Robertas Šalaševičius, Rettore del Seminario Maggiore S. Giuseppe di Vilnius.

Pubblichiamo di seguito la Lettera del Santo Padre all'Inviato Speciale:

• LETTERA DEL SANTO PADRE

Venerabili Fratri Nostro
ACHILLI S.R.E. Cardinali SILVESTRINI
Praefecto emerito Congregationis pro Ecclesiis Orientalibus

Quattuor iam saecula explentur, ex quo tempore Decessor Noster fel. rec. Clemens VIII vi Brevis cui titulus *Quae ad sanctorum* concessit ut festa sancti Casimiri sub duplici ritu tum in Polonia tum in Lituania celebrari posset. Bene scimus Pastores et christifideles istarum Nationum maximo cum gaudio maximaque gratitudine nuntium illum tunc accepisse atque mense Maio anno MDCIV tres per dies Vilnae Deo gratias agentes suum

Sanctum sollemnibus ritibus honoravisse. Eodem tempore primarius positus est lapis ad novam sacram aedem exstruendam sancto Casimiro dicatam.

Ecclesialis communitas Vilnensis magnum considerans momentum istius commemorationis, Annum MMIV, a die scilicet IV mensis Martii, nempe a festo sancti Casimiri, usque ad diem dominicum Domini nostri Iesu Christi, Universorum Regis, iubilarem ad honorem praecipui Patroni Lituaniae proclamavit, ut fideles istius Nationis novo vigore Sanctum suum colerent sibi suisque omnibus divina praesidia humiliter poscentes ad salvifica praecepta cotidiana in vita altiore usque ratione servanda.

Nosmet Ipsi memoria tenentes iter Nostrum apostolicum in Lituaniam anno MCMXCIII peractum, cuius initium fecimus humiliter orantes in ecclesia cathedrali Vilnensi apud sepulcrum sancti Casimiri, petitioni nunc concedimus Venerabilis Fratris Nostri Audrys Iosephi S.R.E. Cardinalis Bačkis, Archiepiscopi Vilnensis, qui poposcit ut insignem virum ecclesiasticum mitteremus ad celebrationes quae proximo die IX mensis Maii Vilnae evenient.

Tu ipse, Venerabilis Frater Noster, qui Congregationi pro Ecclesiis Orientalibus sapienter praefuisti, quique nationem Lituaniam singulari affectu diligis, Nostrae eris mentis ac sententiae ibidem interpres. Tibi ideo libenter hisce Nostris Litteris munus **Missi Nostri Extraordinarii** committimus, ut Vilnae die IX mensis Maii huius anni celebrationibus liturgicis apud sepulcrum sancti Casimiri in templo cathedrali praesis nec non in ecclesia eidem Sancto dicata. Voluntate Nostra adstabis ac participes omnes congruo sermone hortaberis ut, sancto Casimiro intercedente, Christi vestigia impensius atque perfectius sequantur.

Apostolica denique Benedictione Nostra, Tibi imprimis impertita, Sacros Lituaniae Pastores et religiosarum familiarum sodales necnon Christifideles recreabis, unde uberrimos possint illius celebrationis percipere fructus novamque istarum communitatum ecclesialium aetatem diligenter praeparare.

Ex Aedibus Vaticanis, die VII mensis Aprilis, anno MMIV, Pontificatus Nostri sexto et vicesimo.

IOANNES PAULUS II

[00662-07.02] [Testo originale: Latino]
